

啓真集卷中

夜十二

啓真集卷中

夜十三

金峯山通玄子劉志淵撰

詞

滿庭方

一片閑心孤雲蓬跡飄然不掛諸緣九天池
裏滾滾湧靈泉澆漑黃芽瑞草吐清淨光罩
金蓮真消息清風匝地透骨自綿綿○混融
成實相顯昂昂獨立笑傲禪天任陰陽運變
劫力難煎亘古常存不壞拉真一法界安然
無生滅淨明妙體萬里一嬋娟

其二贈侯伯通善算法

天賦多能縱橫業擅策量天地高低數明日
月加減辨盈虧山嶽明分廣闊料江海深淺
皆知方隅內支分人物一一見毫釐○一廓開
方寸徑求一真趣九九爲規定身田精變上
下推移共積三千數足商除到八百功齊一
乘妙拈下實際總無遺

夜十二

其三

警墮道者

謾整巾袍妄名清淨放搵劣馬顛猿利名叢
裏徒銜有因緣逐浪隨波日日不曾暫澄湛

靈源堪嗟訝閑模閑樣辜負慕玄玄○爾心
還自忖怕空遷日月鬢雪垂肩好檢情攝念
慧種心田認取元初靈覺常耕道獵德綿綿
功三考形神俱妙灑灑證飛僊

水調歌頭

人道無生趣日就月相和高奔用顯烏飛離
外宿靈柯秀孕藥珠嘉瑞光射銀蟾皎潔顯
現月中娥相會瑤池宴時復醉金波○兩同
宮七返火九成金長生體就一真安住傲無
何聚散冥冥誰約出入惺惺由我玄妙苦无

多大都方寸用法界總包羅

大江東去

人生最貴稟五行真氣千靈夙賦首足方圓
天地肖反被陰陽陶鑄秋月春花昨朝今日
斷送紅顏去前程路險到時手足無措○筭

夜十二

二

來除却一身輕肥青紫總是閑家具好把中
間心裂碎靜裏調和龍虎孕出靈珍天光內
發變作明珠庫外融空界卓然獨縱霞步

其二

荆山美玉匠一合成器乾坤體辨兩竅明開

分日月八卦九宮齊展方寸心存斡旋真要
乙木金相戀幽人得趣便將乾象推轉○微
微騰倒元精只憑眼下暗裏興雷電萬匝千
回循舊路迤邐亂飛銀線馥郁香塵味能實
腹淨體今相見光飛如雪這迴識得頭面

其三

初功混沌在機緘斡變坎中一氣潛發氤氳
初出地昇變陣雲呈瑞電掣雷轟陰陽交會
致作廉纖雨帝川飛過化成玉鼎神水○溶
溶九變生金鍊歸離內點化成陽體神變離

形據妙用獨擅幕天席地兀兀騰騰隨方應
現坦坦無拘繫含融一體頓然超出生死

其四

天元教顯正金蓮朵朵開遍時節士庶官僚
咸仰奉緣覺聲聞心說悟者清涼背之熱惱

夜十二

三

多口明真訣諸人着眼照開千古心月○了
知諸相皆空不生妄想當體能消滅境界真
實無染著種種抑絕分別萬境一心現前孤
覺寂寂圓明徹淨無可觸太虛一體無別

水龍吟

宦途馳驟心貪職官事何時能畢力饒射日
名高爲復到今何濟休道功名遂好身退緊
尋歸計啖古人糟粕放懷湖上泛扁舟樂真
味○穎悟安閑雲水恣逍遙坦然無累豁天
寬曾臆調神養氣無縈無繫性命俱相契露
實相混融三際看自強手段斬釘截鐵把塵
緣棄

其二贈李元法

綿綿一氣衝關節熏蒸遍流百脉聚歸乾鼎
象成龍虎性情感結精變高超功七返元

還無闕鍊成大藥通神顯用覺香味遍身泄
○煥吐丹光皎潔晃靈臺一點如雪常清常
淨無餘無欠圓明瑩徹顯出真心月射宇宙
了無塵屑聳太虛法相無生神妙鎮千萬劫

其三

贈楊道寬

名高三昧丹青匠貌出玄元古樣明金繪素
堂堂殊勝本來真狀寶殿嚴供養攝諸方群
魔膽喪露說經消息真風鬱鬱感人人總歸
向○外肅威儀瞻仰內須明物離心上些兒
妙用無爲無作無中有相應變機無障納十

方廓開玄量契太空一點虛無活計壯神通

藏○衣蕭衣齋觀心凶賊即歸心止法界

其四

閑人閑樂琴書味行胡郎反貨藥囊符水頓然

識破沽名作解蹉跎真計枯木巖前累要拋

夜十二

四

劣諸緣總棄剔閑性月時時不昧忘神氣養

虛體○鍊就不空真智向太虛神妙成器淨

明體態縱橫恢廓一塵無翳圓覺融三際具

粧嚴法身純粹顯如如了了真常安住徹無

生理

聲聲慢

衡門養浩匱玉藏輝營營守拙忘機手握乾
坤身生萬化維持氣滾三田日日斡一渠流
轉時時百骸理顯瓊漿止渴玉液充飢○浴
出元神妙體契圓成了了動靜熙熙不汲不
生虛界體段無疵卓爾惺惺獨立傲空空實
際無爲樂真趣顯德風遠扇道紀高提

其二

玄關擊杵抱一無離知白守黑藏機火運清
風三關過海輕吹化液下成四象作真汞液

浸華池功九轉證黃金體就神室輝輝○顯
現圓明正相混人間天上萬變神奇不有不
空不受垢染成疵獨擅念虛寂照料本無一
物羈縻真空用顯輪回穎脫智劍高提

其三贈王考寶

夜十二

五

瘦除人我冰泠高低喚惺今是昨非檢教靈
質枉受萬劫沉迷况遇真風大闡要諸仙選
院名題顯一志敢塗拋骨肉屣棄輕肥○覓
箇煙霞妙趣息諸緣妄想落魄無為保護一
真洞照力盡嚴持安泊元空妙體顯靈光出

入相隨前途了決平登覺岸穩步僊梯

上丹霄

正陽生歸癸地氣沉沉產陰陽偃月中心化
形龍虎應時交媾不須擒共成三體長黃芽
香滿乾鬣音尋鼎也○性如珠心如月懷如玉體

如金顯九陽絕盡纖陰本來實相應機隱顯
鬼神欽太虛同量瑩無塵跨古騰今

一枝花

玉壺金世界日月同光彩仙童為活計戀風
采覓藥川源日日西南採收拾歸碧海始結

金晶九變還元不壞○熏透遍身香霧靄湧
出光明大長生純體現傲物外可去聲界惺惺
動靜都無昧一體含融量括古包今聚散無
罣無礙

一剪梅與張三老善友

春去秋來染鬢班日將月就斷送朱顏
鈿虧汞少海源乾亢盡瓊酥枯損金蘭○好養三
元閉五關高奔日月光射鼇山結成圓寶雪
霜寒眼底如如物外閑閑

行香子李會首問道

大道無形強立其名判五氣融攝生成貫通
六合總括群靈本無情亦無臭又無聲○人
悟勤行造化無生要灰心杳杳冥冥不空不
有妙體縱橫這真常騰今古獨惺惺

其二

夜十二

六

妙道勤求樂以忘憂要蝸名蠅利心休六空
罷對一氣專柔火無虧水無缺契添抽○百
脉通流四海周遊漸丹凝清淨光浮虛無妙
體難礙難留應無方明物物顯頭頭

其三

問修行門戶

道體平平瞽者難行覓邊徼執法功精貪遊
異路昧却前程啓諸人高着眼認無生○湛
湛澄澄醞釀惺惺啓天門地戶牢扃陽昇邃
路高越神京過層樓歸空土結丹成

其四

妄認苦蘊汨礙胷中逐緣生分別忽忽好將
萬境同攝心宮泯迷蹤知諸相體皆空○照
見空宗有用真空顯心法動作明空崑崙頂
上耀弄虛空這空空無可觸遍含融

江神子令

金藏木性木藏金體難尋火生鶩二物烹煎
庚甲定浮沉返本還元真體現竟鬼聚淨無
陰○九陽消息自來臨耳鳴琴運清音喚出
靈靈越古與超今遍界遍空無不是顯了了
這真心

其二 西山隱者相訪

有緣相遇芥投針話真心死三陰陽自漿成
瓊液不時斟伴飲琅琅聲貫耳無絃曲肖風
琴○氤氳消息拍曾襟九成金鬼神欽一混
天光變化體難尋空似空中成妙有心朗朗

慮沉沉

其三

一江九曲虎龍奔
意雄雄氣融融
而轉崑崙
霹靂震乾坤
噴出金沙光的爍
明明相混虛
空○法身縹緲性恢弘
變無窮體無蹤
常應常靜法界顯
圓通境攝一心空
色混無分別
契真風

其四

曩甘聰黜體還隳
索玄機守謙卑地
久天長
逆遷志遲疑法弱
馬顛亡羈勒風花
陣恣奔

馳○縱橫熟境意熙熙慕臺池騁輕肥蕩散
沖和仙路隔雲泥再展維持天地手搏真造
長靈儀

其五 賞菊

山寒木葉暈輕黃氣封商露凝霜萬物歸根
逆氣送荒涼唯有東籬黃菊綻噴冰艷吐清
香○分明圓相顯重陽生中央放金光全露
如如神妙貌洋洋覲面一時渾認得心月照
覺相忘

其六 與小李先生待詔

人情膠漆道情乖昧靈臺翳塵埃不懼如山
販骨走輪迴見在寶軀今不悟千萬劫朽僊
材○好收鉛住武都階藥苗栽結神胎九轉
功成方寸藥珠開體混淨光從隱顯隨眼底
是蓬萊

夜十二

江梅引 贈李元法

不驚榮辱總無憂度春秋得優游打破藩藩
無物掛心頭天內一天為活計調龍虎恣盤
旋闔未休○紫金霜結有來由晃三周玉童
收法界清天風月獨相酬神妙器成堪中選

向仙院奪僊標第一籌

其二贈劉會首

粒食衣重苦貪求鎖眉頭利名搜酷戀埏埴
爲器弄風流謾到寶山甘空手只坐守這輪
回未肯休○不如返照一身修馬猿收汞鉛
留火藥丹鑪按候謹添抽鍊就一真圓明寶
射宇宙瑩無疵價莫酬

木蘭花令

兩絃中藏真造陰陽返復坎離顛倒二氣驅
馳入鑪竈烹煎按候藥材不耗○異香馥郁

風飄渺金花吹綻結成圓寶淨明實相非草
草虛空一樣大光融照

踏莎行

寂淡忘機恬然養拙些兒妙處人難別冥冥
杳杳滌神珠昏昏默默開心月○萬劫雲收

夜十二

九

一天朗徹清明淨體如水雪不增不減顯圓
成惺惺灑灑無生滅

其二

動靜忘機聰明不作悟來總把塵情削心燈
挑剔不曾昏慧光遍照彌寥廓○常淨常清

不耽不着一真境上從盤礴亦無牛像亦無
人卓然獨立據真樂

靈壽杖

靈壽一枝瘦同鶴脰肌輕體赤幽人稱住行
坐卧不相離穿雲過水常隨定○豁散迷津
指回斜徑扶危助險通神聖依時攪撥虎龍
爭尖挑日月乾坤瑩

南柯子

體若虛空淨心如泰華安萬緣妄想不相干
正住無思觸處得安閑○覺海神珠瑩禪天

性月寒圓明不昧顯播播放去收來一點地
天寬

其二 與背道者

久靜還思動情甘愛海迷僊凡兩路似雲塗
從此相分不顧上天梯○莫學鷓鴣志營營

戀小枝北溟鯤量願君為咫尺成鵬准擬奮
天池

其三 張道一問黃芽

陽動陰隨變黃芽漸長成參差五葉發黃庭
珠蘂苞開放出紫金英○始結神丹粒清光

宇泰生從容透體縷霞明內外輝輝法界混
惺惺

其四

坐卧常澄湛連綿緩吸呼温温九氣聚鉛鑪
滾泛身田晝夜飲瓊酥○腹内三丹有心頭

夜十二

一物無養成健體契空虛出沒惺惺實相現

元初

金盞兒

放心閑樂林泉山檀尾鼎龍涎煖寒罇興冷
茶煙情湛湛腹便便陪遊鹿伴啼猿○淨靈

源火生蓮清涼照見諸塵遣明五眼證重玄
珠瑩海月沉淵圓明相應無邊

解佩令 歎燈蛾

燈蛾種性迷沉苦境只貪尋燭中花影抵死
身投被爛炙猶然不省全錯認流螢艷冷○
向明有意因懷暗景奈無功忍死俄頃識破
炎光不自炙亡形亡命落清涼境中獨興

其二

心清養浩星塵無擾近林泉輪蹄不到活計
蕭閑任盈門苔蘚圍遶有滿院落花風掃○

鶴鳴露冷猿啼月皎日相陪松花瑶草受用
無爲也不曾身外尋討悟衣珠目前蓬島

浪淘沙

休執相皆空徒滯頑空勞勞不見有中空空
裏混成神妙體空延不空○此理是真空物

夜十二

十一

物明空念無念念不爭空照見緣空成深智
方了圓空

萬年春風月滿真宰心無掛帶

靜聽身中火龍水虎爭吟嘯真奇妙風浪聲

繁盤遶天光罩○鍊結金霜壺鼎推真造成

寶耀地輝天淨體無塵擾

其二

活計安閑日日風月爲真宰
心無掛靜聽猿啼似訴無生話
○一味清涼眼底無纖芥
光明大內外輝輝如託虛空界

其三 中秋

秋夜銀蟾一天萬里光如洗
清風細拂拭乾坤冰瑩無纖翳
○星斗光沉全露圓明體
白麾底晃我神遊親詣攀青桂

武陵春 警執法

人自因言能悟理得理要忘言既得魚時莫
執筌筌執謾着鞭○閉口藏舌不作解默默
究重玄專氣修心息妄緣月冷照青天

其二 王小先問禪

法界一真心正住當體滅諸緣內外輝輝體

現前無地亦無天○取相於禪禪復遠禪性
月沉淵動靜俱無鎮湛然神用即真禪

南鄉子

七返降真陰主換爲賓力不禁神妙崢嶸三
界外俄臨徹地通天耀古今○當體慮沉沉

鶴馭清風一片心自北自南無罣礙時歆真
樂真歡恣嘯吟

望蓬萊

修真客守弱志須剛金鼎滿添留命藥玉鑪
頻藝洞真香心境總清涼通玄妙獨據法中

夜十二

十二

王諸魅群魔俱燼滅三陽九氣用兵強觸處
露堂堂

又

涉塵客念念苦貪饕掛壁飛猿心縱樂戰風
劣馬意徒勞熟境恣煎熬甘執苦心事冗如

毛爭似劈摧情擾擾且甜耕道樂陶陶生死
路能逃

採桑子

虛无妙道心堅守虛自投來氤氲成胎靈質
無中日月栽○時時自飲崑山酒醉卧丹臺
令攝三台萬劫迷雲一豁開

西江月

一點陽生坎殿兩絃風陣衝天三關頂化液
溥溥四象真砂始變○五彩霞生鼎燦六神
和暢綿綿七星司用總安然八面玲瓏體現

減字木蘭花

蠻觸非是識破心顏如棄屣痼疾雲山猿鶴
相陪盡日閑○一壺風月清淨光明相照徹
內外俱空無執空心觸處通

其二

夜十二

十三

忘機索妙萬法皆空心上了無徼無邊一片
清光萬里天○明明淨體不放星塵蠅點翳
內外圓融正住空空法界中

長思仙

鼎乾坤鍊雌雄陰變純陽空像同縱橫妙體

融○風乘我我乘風風我相乘法界中無形
空不空
如夢令
萬法心頭可可偃月抽添水火淘鍊結金晶
迸出圓明珠顆證果證果一混虛空是我

啓真集卷中



